



Sön la pista "Lahnwiesen" a Latzfons fej i atlec ladins indô bela parüda. I bugn resultač pro la secunda de Copa de Südtirol ne é nia mancià.

Garatada é la secunda dles trëi gares de Copa de Südtirol, tignida l'ultim fin dl'edema a Latzfons. En gran lâlt al'organisaziun dla competiziun, che é stada buna de arjigné ca na pista por garejé dles mius condiziuns.

Stersc é i atlec ladins presënc al start, portan a ciasa bëgn 5 podiums. Por prüms ti va i complimënc ai trëi atlec por les medaies d'or concuistades tles singoles categories: Tschaffert

Diego tla categoria Master A (tëmp 1.11'65), Nagler Luisa pro les mitans Junior (tëmp 1.13'78) y Clara Dominikus pro la categoria Master B1 (tëmp 1.13'21). Pro les aspirantes y seniores pó les atletes Rubatscher Manuela y Brunner Shamira da La Val mostré sö rispetivamënter le terzo plazamënt.

Atri resultac di atlec dla lüsa da La Val tles rispetives categories: Tavella Robert (4. post), Miribung Carlo (5. post), Ploner Alex (7. post). Na bela sodesfaziun se tol l'atlet dla scuadra da Valdaora Gräber Maximillian che é le plö asvelt y fej inscio cun 1.10'30 le miú tëmp dl dé.

2° gara jonila “Raiffeisen”

Le championat dles gares joniles Raiffeisen é ince ruvé a süa secunda gara, tignida sön la pista “Do Juvel” a Longiarü ai 21 de jenà. Begn catordesc é sta i jogn atlec ladins che á tut pert, de chisc dodesc da La Val y 2 da Longiarü. De chisc è ruvà sön podest tles singoles categories: Brunner Philipp (1. post), Peccei Lara (2. post), Frenes Oliver y Sorà André (3. post). Chisc i atrí plazamenc: Peccei Lukas (4.post), Moling Matthias (6.post), Pescollderung Roman (9. post), Alton Elias (11. post), Ties Michael (13.post), Chiusura Matthias (17.post), Campei Miriam (4. post), Miribung Elena (5. post), Frenes Elisa (7.post), Sorà Karen (8.post).

Sciöche ultima sodesfaziun se posizionëia i atlec da La Val al pröm post dla tlassifica a scuadres por soma di miús témpos.

Chësc fin dl'edema se sposta i atlec de lüsa alta tl'Austria a Hopfgarten por le Gran Pest d'Europa deperpo che la terza gara jonila vëgn tignida la dumënia a Valdaora.

I plazamēnč dla secunda gara de Südtirolcup: [risultati Südtirolcup](#)

I plazamēnč dla secunda gara jonila "Raika": [risultati gara jonila](#)





Por atres foto: [Dropbox](#)

